

Escrito por Redaccion @valminorinfo
Venres, 07 Xuño 2013 16:57



Luns, mércores e venres de 10 a 12 horas as oficinas da casa consistorial de Gondomar quedan baleiras. Agás o axente de quenda na policía local, o resto do persoal do Concello se retira das instalacións. O motivo atópase nas protestas que con bocinas e pitadas desenvólven os membros da Plataforma Gondomar de Afectados polas Preferentes e Subordinadas.

Na mañá deste venres 7 de xuño o ritual reiterouse. Unha improvisada orquestra de camisetas negras comezou a executar a enxordecedor concerto, que segundo os preferentistas leva tres meses "en cartel". O ritual está instalado e as oficinas contan xa cun aviso a viandantes do devandito peche de atención ao público entre as 10 e as 12 horas.

Veciños de Gondomar protestan na casa consistorial baleira de funcionarios.

{youtube}laENqEP-jTw&feature{/youtube}

A medida, segundo información da plataforma, é parte das mobilizacións que o colectivo leva adiante en procura da recuperación dos seus aforros convertidos en produtos financeiros lixo polas caixas galegas. Xunto coa ocupación da casa consistorial, as pitadas nos plenos da corporación, nas portas da oficina local de NGB e as manifestacións polas rúas da vila, a medida é defendida como un instrumento máis de presión ao gobernante Partido Popular para que instrumente unha solución política que resolva este problema que afecta a preto de 450 veciños do municipio por un valor estimado de 1 millón de euros.